



Broj: 05/1-50-13-26-39-7/17  
Sarajevo, 13.12.2017.

## IZVJEŠTAJ

### **sa sastanka članova Nezavisnog odbora Parlamentarne skupštine BiH kao nezavisnog tijela policijske strukture BiH s ministrom sigurnosti BiH**

Sastanak je održan 23.11.2017., s početkom u 9 sati, u prostorijama Ministarstva sigurnosti BiH u Sarajevu. Prisustvovali su: Dragan Mektić, ministar sigurnosti BiH, Tatjana Klječanin-Martić, predsjednica Nezavisnog odbora, Enes Obralića, prvi zamjenik predsjednice Nezavisnog odbora, Mato Jozić, drugi zamjenik predsjednice Nezavisnog odbora, Ivana Lovrić, sekretarka Nezavisnog odbora.

Ministar sigurnosti BiH Dragan Mektić poželio je dobrodošlicu članovima Nezavisnog odbora i rekao da je na raspolaganju za sva eventualna pitanja.

Tatjana Klječanin-Martić, predsjednica Nezavisnog odbora, ukratko je obrazložila razlog posjete. Istakla je da je posjeta realizirana u skladu s Planom rada Nezavisnog odbora za 2017. godinu, s ciljem razmjene informacija i održavanja saradnje.

Ukratko je upoznala ministra sigurnosti BiH s dosadašnjim aktivnostima Nezavisnog odbora. U razgovoru s ministrom sigurnosti BiH članovi Nezavisnog odbora upoznali su ministra da za Nezavisni odbor predstoje aktivnosti u vezi s provođenjem procesa izbora kandidata za pozicije rukovodilaca i zamjenika rukovodilaca policijskih agencija BiH kojima mandat ističe u 2018. godini.

Ministar sigurnosti BiH informirao je članove Nezavisnog odbora o Nacrtu zakona o policijskim službenicima BiH, koji bi se do kraja godine trebao uputiti u proceduru. Istakao je da su u izradu Zakona bili uključeni svi rukovodioci policijskih agencija BiH, kao i predstavnici sindikata. Istakao je potrebu da Nezavisni odbor u ovoj fazi pripremanja Zakona razmotri i dostavi svoje prijedloge i sugestije na Nacrt zakona, a što je Nezavisni odbor ranije i predložio.

Također, ministar je istakao da je Vijeće ministara BiH utvrdilo i uputilo u parlamentarnu proceduru Prijedlog zakona o Državnoj agenciji za istrage i zaštitu. Kazao je da su ovim zakonom ispravljani nedostaci iz ranijeg zakona, a ključna promjena odnosi se na to da je formiran Odjel za borbu protiv terorizma koji je do sada bio odsjek.

Osim ovih zakonskih rješenja, razgovarano je i o donošenju Odluke o određivanju osoba, objekata i vrijednosnih pošiljki koji se štite. Ministar je istakao da, kada je riječ o donošenju ove odluke, smatra da broj osoba koje se štite treba biti reduciran. To bi trebalo da budu članovi Predsjedništva BiH, predsjedavajući i zamjenici predsjedavajućih oba doma Parlamentarne skupštine BiH, predsjedavajući Vijeća ministara i pojedini ministri.

Također, razgovarano je o borbi protiv terorizma i korupcije i drugim pitanjima iz djelokruga policijskih agencija BiH.

Zajednički zaključak je da Ministarstvo sigurnosti BiH i Nezavisni odbor nastave ostvarivati punu saradnju s ciljem stvaranja uslova za efikasan i zakonit rad policijskih tijela BiH.

Sastanak je završen u 10 sati.

**PREDSJEDNICA  
NEZAVISNOG ODBORA**

Tatjana Klječanin-Martić